

AS TORRES DE SANTA CRUZ



Coñecido tamén como o Pazo do Coruxo, é un edificio emblemático, declarado ben de interese cultural, que viviu numerosas modificacións ao longo do tempo. A súa orixe data do século XVII, ligada á familia dos Freyre de Moscoso. A finais do século XVIII, Martín Torres Moreno compra o inmoble e transforma as antigas

torres medievais nun edificio palaciano. Xa no século XX pasa a mans do Estado para albergar ás colonias da Sección Feminina durante a ditadura. Posteriormente caeu no abandono.

En 1975 xurde un movemento veciñal que reclama o seu uso para a comunidade. En 1981 o Concello de Oleiros leva a cabo unha primeira reforma para dedicalo a escola. En 1985 a Xunta cede o inmoble para destinalo a actividades sociais, lúdicas e culturais.



Na actualidade o Centro Cultural As Torres funciona como eixo cultural de Santa Cruz. Alberga o teatro municipal, a biblioteca de Santa Cruz, o pioneiro Centro de Documentación da Muller Rosalía de Castro e o propio museo Os Oleiros - José María Kaydeda. Dos seus 6.400 m², 5.625 m² corresponden aos xardíns, nos que se conserva a capela do pazo e diferentes especies naturais como un exemplar senlleiro de ombú ou bellasombra (*Phytolacca dioica*).



HORARIO:

De martes a venres: de 10:00 a 14:00 h e de 17:00 a 20:00 h

Sábados pola mañá: de 10:00 a 14:00 h

Sábados pola tarde: de febreiro a outubro, de 17:00 a 20:00 h e, de novembro a xaneiro, de 16:00 a 19:00 h

Domingos: visitas previa reserva.


VISITAS GUIADAS:

As visitas para grupos deben ser concertadas previamente no teléfono:

981 62 66 92 ou no correo electrónico:
museos@oleiros.org

Tempo aproximado da visita: 50 minutos.

Custo: De balde.




Telleira de Rioboo / Autor: Luis González Taboada
(Sala 2 do Museo dos Oleiros)

COMO CHEGAR:

N: 43° 20' 48"

W: 8° 20' 36"

Centro Cultural As Torres
Avda. Emilia Pardo Bazán, 17
Porto de Santa Cruz
15179 Liáns (Oleiros)





MUSEO
OS OLEIROS
JOSÉ M^A KAYDEDA

HISTORIA DO MUSEO

O museo *Os Oleiros - José M^a Kaydeda* está dedicado á olería tradicional, cunha colección procedente de máis de 150 olerías diferentes, moitas delas xa desaparecidas. Durante tres décadas, o matrimonio José M^a Kaydeda e Teresa Jorge viaxou pola Península chegando a reunir preto de 5.000 pezas. No ano 1995 chegaron a un acordo de cesión co Concello de Oleiros dando lugar ao museo.

Hoxe a colección segue a medrar, con novas adquisicións.



A EXPOSICIÓN

A exposición permanente atópase no primeiro e segundo andar do Centro Cultural As Torres de Santa Cruz.

O conxunto percorre o noso pasado recente e permite comprobar como foi evolucionando a nosa sociedade. Os oleiros modelaron durante séculos o barro para lograr a forma perfecta e satisfacer cada necesidade: desde obxectos prácticos para a construción, a cociña ou o servizo de mesa, ata obxectos relixiosos e lúdicos. Cada sección achégase ás distintas olerías, coa súa producción más destacada e información gráfica sobre a materia prima, o oficio e as formas de traballo.

